

清源鄉志卷之十四

人物

宦蹟

仕籍

孝義

仙釋

藝術

人材不擇地而生清源壤地褊小晉唐以前書

缺有間矣五季而下代生賢哲我

國家棧樸作人

教化之所涵濡山川之所鍾毓或以文德傳或以武

功顯或宣猷百里或殉節千秋非世所稱賢豪

間者耶至如善著鄉閭以及片長薄技皆翮縷

而臚陳焉志人物

清源鄉志

卷十四

四十四

明

蘇烈字伯陽號平泉嘉靖戊子舉人知直隸棗

強縣政尚廉平逾年調元氏薦牘累上授永平同

知再補汝甯以夙望擢南京戶部員外郎尋陞郎

中權北新關稅身率羣下無敢錙銖染指以裁抑

餽賂速謫判襄陽未幾復補永平遷霸州刺史

適行部者以非禮銜公遂歸田卒祀忠孝祠

羅昂萬曆壬午舉人知陝西甘泉縣縣境缺水

民苦之山後十餘里有河公鑿港引支流河水湧

出利賴甚溥仕至慶陽府同知祀忠孝祠

王宗賢字淑顏號省愚倜儻負奇節萬厯戊戌進士授成都府推官讞獄多平反兩充同考官所取皆三巴知名士陞戶部主事監督南新倉耗蠹一清節省以萬計爲大司農趙公所倚重改吏部主事轉考功司郎中典試河南得士爲盛當京察時門戶角立公獨持平允陰護善類升參知分巡鳳平道地方賴以綏靖督院劉公重其才偕閱塞上凡綜覈稽查皆倚辦焉以勞卒於官公亢爽易直

清源鄉志

卷十四

四十五

有經濟才未及大用論者惜之崇禎癸未邑人公舉崇祀鄉賢祠以國變不果行祀忠孝祠

成材歲貢生萬厯間知陝西宜川縣時饑饉枕藉賊盜內訌公恩威兼用撫綏饑民折衝外寇宜城賴以保全

國朝

王吉人字櫟菴號鳳雛明崇禎己卯副榜知浙江蕭山縣時新遭兵火白骨蔽野城無居民公曰有城無民奚以令爲於是選健丁授方畧諸賊以次

就擒收遺骼招流亡完城堡修學校政聲大著尋
遷蘇州同知蕭人建祠以祀刊實政紀畧再補揚
州擢常州郡守旋以積勞告歸

王灝儒字心孩崇禎壬午舉人

國朝順治丁亥成進士任山東曹州知州時承明季
亂曹多豪猾公內嚴守備外示撫綏數月反側歸
農逃亡復業境內肅然甫一載解組歸仍閉戶讀
書所著有四書音辨清源縣志稿若干卷

温而厲字中之弱冠入邑庠崇禎甲申闖寇破省

清源鄉志

卷十四

四十六

會以考試陷公不爲動

國朝順治五年姜逆據大同叛山賊四出劫掠脅公
至太原晉祠鎮幾不測公神色不撓責以大義賊
眾服其膽咸曰義士也禮遣歸九年選拔貢生任
山東茌平縣丞墾荒田百餘頃以修河功陞江南
句容知縣時軍務叢集嘗於馬上判事邑人頌爲
神君尸祝之卒於官

牛光世中順治丙戌再行鄉試任蒲州霍州學正
遷廣東饒平縣知縣慈祥愷悌多善政饒平民泐

石建祠

温光涵順治乙酉舉人知福建建甯縣有政聲十
八年把總劉得功作亂脅公從逆不屈遂遇害子
育梓亦被戕事聞 詔崇祀三忠祠

劉祚全順治戊子舉人經術湛深才思煥發授江
南含山縣知縣有惠政尋值吳逆之變奉檄晝夜
剿防幹濟勤勞爲一時冠

程雲鷺諸生時卽研窮理學爲文典貴清雅不落
時徑順治戊子舉於鄉授蔚州學正時大司寇魏

清源鄉志

卷十四

四十七

公環極家居與公獨傾心相結時以道義相切劘
遷湖廣咸甯縣知縣甫一載卽罷歸家居十餘年
卒學者宗之

劉祚長順治壬辰進士授湖廣宜城縣知縣縣當
水陸衝俗疲民瘠公撫綏有法以最行取戶部主
事旋監察通州倉務陞山東北河道搜剔奸弊風
裁肅然歸里日足不履公門獎掖後進造就甚多
祀忠孝祠

劉茂桂順治戊子副榜授江南舒城縣知縣嚴厲

勤敏凡利害所關在上臺前抗顏爭執詞氣不少
屈強直有古人風

高聯璧康熙丙辰進士己未補中翰甲子分校京
闈庚午掌典籍旋轉禮部祠祭司主事風裁節操
爲諸司冠監督北新倉鋤奸剔弊稽察江南沿海
鈔關丁丑分校禮闈所取皆知名士升刑部浙江
司郎中平反甚多庚辰督廣西學政時武選久弛
公詳撫軍題準開科粵西武風之振自公始

劉基振爲文敏捷下筆數千言立就康熙戊午舉

清源鄉志

卷十四

四十八

山西鄉試第一益肆力於學兼工古文詩賦爲四
川高縣令清廉仁恕卒之日民罷市喪歸祭送數
十里不絕

王德翼字慎之康熙甲子舉人知四川廣元縣縣
當水陸衝公下車存問耆老立義學厚廩餼以專
門春秋爲授受士風蒸蒸日上秩滿升工部營繕
司主事未任卒

梁星慶字雲卿號文源康熙丙戌進士知廣東四
會縣簡靜廉明不事粉飾粵地素稱殷阜公特以

清介著旋里日囊橐蕭然仍以授徒爲業年近八十始卒祀忠孝祠

王逾曾附監生性警敏負幹濟才康熙癸巳除河南許州知州甫下車修城濬隍勸農重學百廢俱舉許人有德政謠以卓異陞戶部郎中病卒於家安 璠字魯玉乾隆戊辰進士授河南獲嘉縣知縣縣號衝繁苦差役丙子戊寅間瘟疫災祲流亡甚眾公惻然招集撫循民皆復業舊政不便於民者悉革之奉檄修郡城工料咸徵諸民公捐俸補

清源鄉志

卷十四

四十九

公帑之不足者絲毫不爲民累大軍凱旋過境當路擬占民房公懇請上臺至受譴訶不爲動民以是得無擾庚辰分校秋闈得人稱盛治獲嘉未三年循聲大著旋以憂歸去之日百姓攀轅號泣有生子而名思安者誌不忘也服闋以太孺人老且病告終養屢徵不起三舉鄉飲大賓邑令表其門曰五柳風清

邢天培乾隆甲戌武進士補四川提標左營守備遷茂州營都司三十七年隨征金川明年木果木

大營失利與子邦彥俱戰歿事聞給銀祭葬贈遊擊崇祀昭忠祠與世職恩騎尉罔替

馬大烈乾隆戊戌武進士由侍衛任直隸副將善騎射有膽畧隨征金川有功陞總兵未赴任卒

陳洛書字錫九號龍泉乾隆庚辰進士知山東臨邑縣愛士卹商力行保甲盜賊相戒不敢入境擢

江西南康郡守時值教匪王倫之亂公已卸事猶晝夜爲防守計一方賴以安堵旣赴南康任治有

白鹿洞書院爲考亭講學舊地公葺而新之每朔

望親課士子文風從此益振丁酉己亥兩充內簾監試官治南康數載吏畏民懷辛丑緣事謫辦河南河工勤慎爲一時冠起補陳州郡守未赴告歸牛文煥字柏臺號有章性倜儻有膽畧由吏員分發山東吏目厯署福山縣司獄登州府經歷棲霞縣知縣縣有奸民販私鹽拒捕作亂公隻身往定之補濟陽縣典史濟陽巨紳某爲民害公密白縣令申請上憲置之法一邑稱快以年老致仕歸牛映奎字聚五號西園文煥子也乾隆甲寅科舉

人揀發安徽知縣歷署東流全椒宿松懷甯亳州
無爲等州縣補巢縣擢六安州知州陞潁州府知
府清廉耿介所至有政聲公之在巢也當滑縣教
匪亂後傳言巢縣山中有奸民藏匿大憲擬用兵
公以百口保其無他全活以數萬計自是牛青天
之名遍於皖省家故稱素封自公仕負債纍纍會
有茶商某感公恩欲以萬金爲公壽公謝絕之宦
皖三十餘年每一升調耆老焚香送迎絡繹於道
咸豐間髮逆竄江南公之行述誌銘悉被兵燹以

故政蹟不盡傳記其守潁時民間有詩其畧云自
古重龔黃循良名不朽繼起有偉人爭傳牛太守
爭迎郭細侯福星來金斗清慎勤居先果達藝兼
有男皆視爲兒女皆視如婦罔極等昊天此之謂
父母讀此詩亦可想見其爲人矣

岳廷元字紹先號蘭溪乾隆戊戌進士授雲南宜
良縣知縣庚戌奉委運銅京師歷瞿塘濫瀕諸險
矢心自誓履險如夷上游深器之將遷擢以內艱
歸服闋揀發福建署連江補福鼎時海賊蔡牽寇

擾各郡邑公多方捍禦民得宴然乙丑引病歸里
居講學多所成就

秦爲龍字敬侯號一泉乾隆丙子舉人大挑一等
分發甘肅知縣以才學爲上游所器重自以性航
經籍不耐煩劇改教職補廣靈教諭廣靈邊地樸
陋少文公加意訓迪每月課口講指畫以培植人
材爲己任性嗜讀終日危坐手一編誦聲琅琅至
午夜不止著作頗富手訂清源志書稿自康熙以
來至乾隆採述甚備尤爲一邑文獻云

清源鄉志

卷十四

五十二

王德安字靜亭號鐘峯乾隆間以附貢捐縣丞分
發江蘇署宜興縣有惠政大吏器重之委辦常州
一路塘工江淮一郡城工事集而民不擾歷署宜
興荆溪兩縣事尋擢上海知縣因辦南匯城工積
勞成疾未赴任卒上游惜之布政使蘇公爾德手
書績著雙溪額爲贈

温宜銳字可亭嘉慶乙丑進士知湖北咸甯縣清
廉仁惠有古循吏風咸邑素稱文藪以限於學額
多屈抑公申請上憲廣額三名著爲令復建書院

優加膏火咸邑士民泐石 文廟以頌德焉罷官
後僑居鄂渚百姓時饋薪米禁之弗能止去之日
號泣走送者不絕於道云著有玉山草堂文蘋溪
祖餞詩等集

牛健亭原名坤字仁山號荷隣映奎子幼有神童
之目十二歲入邑庠嘉慶己卯科舉人大挑一等
以知縣用分發安徽皖人走相告曰此非牛青天
哲嗣耶何幸復蒞茲土爲吾小民造福也呼爲小
青天署英山補績溪績溪地瘠民貧民無恆業公

清源鄉志

卷十四

五十三

相其土宜教以蠶桑之利不數年成沃壤績溪人
建祠尸祝之會大計以卓異薦時海疆不靖邑有
烽火警公晝夜巡防積勞成疾卒於官宦囊蕭索
至無以爲殮云

王如蘭字心農號蔚園一號石愚弱冠舉道光庚
子鄉試第五名以大挑知縣分發陝西戊辰署郃
陽懲蠹役革陋規日坐堂皇引經斷獄無畱牘無
冤民民間有青天王一堂之稱謂有案一訊卽結
也甫三月結積案三百餘會丁父憂郃民相率赴

撫轅懇請在任終制公不可去之曰老幼攀轅泣
送者不絕復建去思碑於關外長亭先以城防勞
保舉同知用洎回籍大吏檄辦太原甘捐濟軍饟
事竣部議優敘尋疾卒公經術湛深爲文夏夏獨
造晚年益肆力於古文辭兼及堪輿星卜壬奇之
學工書法魄力雄厚清源舊無書院公倡紳士捐
貲創建請於邑宰程公程公卽以公總其事清源
有書院自是始云

己上宦蹟

清源鄉志

卷十四

五十四

明進士仕籍

王撫民

戶部主事陞山東臨清兵備道

王藻

廣東道御史陞河南布政使

王蔚

南京吏科給事中

王儒

山東臨朐縣知縣陞陝西西安府同知

張士範

翰林院檢討陞侍講

李朝陽

河南按察司僉事

明舉人仕籍

任繼芳

陝西河州知州

張鶚 太常寺正卿

施智 四川道監察御史

李麟 直隸威縣教諭

李盤 陝西平涼縣教諭陞河南開封府教授

王肫 陝西渭源縣知縣

耿郁 山東黃縣知縣

王貫 四川道監察御史陞浙江按察司僉事

王嵩 任知縣

何清 任典寶

清源鄉志

卷十四

五十五

武尙文 直隸祁州知州

王佐 直隸景州判官陞永清縣知縣

智聰 直隸通州知州

李士傑 陝西金縣知縣陞浙江甯波府通判

程翼 陝西保安縣知縣

陳綱 河南密縣知縣

陳維 陝西甘州知州改耀州知州

羅章 直隸甯津縣知縣

時尙志 陝西邠陽縣知縣

陳良知

河南開封府通判改山東青州府通判

劉知之

山東濟南府通判陞直隸保安州知州

趙鎧

直隸寶坻縣知縣

萬旬

直隸固安縣知縣改青澗縣知縣

溫忠

陝西狄道縣知縣

王詡

陝西盤屋縣教諭陞平涼縣知縣改在平

秦瑞

直隸井陘縣知縣

萬人表

陝西金州知州

陳蒙育

陝西慶陽府推官

清源鄉志

卷十四

五十六

羅好仁

陝西米脂縣知縣陞雲南北勝州知州調

吳戴先

直隸元氏縣知縣陞陝西徽州知州平涼

羅高

南直績溪縣教諭陞陝西甯羗州知州

國朝舉人仕籍

丁任

廣東合浦縣知縣

劉啟泰

江西上高縣知縣改內閣中書

羅瑞

福建莆田縣知縣改山東壽光縣知縣

程象輅

湖廣永明縣知縣

王申祚

山東臨淄縣知縣

程國龍

曲沃縣教諭

趙之瑜

平陽府教授

高聯元

霍州學正

陳可

臨晉縣教諭

王元麟

霍州學正

王克仁

高平縣教諭

溫世則

安徽甯縣知縣

陳參贊

高平縣教諭

梁會魁

分發試用知縣改臨縣教諭陞潞安府教授

清源鄉志

卷十四

五十七

牛人麟

代州學正

王斗樞

河南陳畱縣知縣候陞同知

王士坦

榮河縣教諭

賈益

臨汾縣教諭

王殿陞

河南開州學正陞衡水縣知縣

田富德

永和縣訓導

時文定

垣曲縣教諭

路宜中

榮河縣訓導

王作舟

垣曲縣教諭

王效尊

趙城縣訓導內閣中書銜

秦永立

孟縣教諭保陞知縣

牛鴻

左雲縣訓導

秦撫岐

孝義縣訓導

明貢監仕籍

劉茂

南直桃源縣主簿

閻懋

山東金鄉縣縣丞

逯彥昌

大理寺評事陞陝西臨洮府通判

武毅

鴻臚寺序班

清源鄉志

卷十四

五十八

郭翥

廣西道監察御史

張儉

河南衛輝府通判陞戶部郎中

陳忠

陝西環縣知縣陞常德府通判

樊瑀

河南湯陰縣知縣

韓昂

山東甯陽縣知縣

逯明

山東聊城縣縣丞

溫演

戶部陝西司主事

王瓚

山東鄒平縣教諭

王簡

任照磨

侯恭

山東齊東縣主簿

程敬

兵馬司吏目

楊朝用

河南洛陽縣主簿

張進

陝西藍田縣縣丞

趙俊

陝西開城縣知縣

張彥祥

南直鹽城縣主簿

時慶

山東泗水縣縣丞

王鑑

陝西平利縣主簿

郝興

江南靈寶縣主簿

清源鄉志

卷十四

五十九

董庸

直隸平山縣知縣

武讓

河南武安縣縣丞

王連

山東鄒平縣教諭

劉慶

陝西兩當縣知縣陞直隸河間府通判

解性

浙江海甯縣訓導

萬文昇

陝西徽州訓導

李芳

河南汝甯府教授

陳鼎

陝西崇信縣知縣

王彥夔

陝西靈臺縣知縣

劉進

浙江海甯縣縣丞

蘇安

陝西蘭州衛經歷

張應麟

陝西膚施縣縣丞

陳鼐

浙江衢州府知事

杜撰

陝西褒城縣主簿

崔文奎

廣西梧州府知事

王士端

貴州安順州吏目

李洪

山東黃縣教諭

智宗傑

陝西靜甯州學正

清源鄉志

卷十四

六十

王希相

湖北均州同知

劉廷相

直隸灤州判官

孫尙志

河南閿鄉縣縣丞

孫彥智

河南武陟縣訓導

高崇

河南陝州訓導

武健

直隸寶坻縣主簿

牛文瀚

陝西洋縣主簿

溫嶽

直隸易州訓導

裴從仁

陝西洛川縣教諭

程永惠

陝西武功縣教諭

孫繼

河南懷慶府照磨

王鎬

山東德平縣訓導

王孝忠

陝西宜川縣教諭

羅三省

河南輝縣主簿

王用予

河南永甯縣知縣

劉瀾

陝西伏羌縣訓導

牛儒

山東齊河縣訓導

趙光庭

河南西平縣知縣

清源鄉志

卷十四

六十一

秦登

太平縣教諭

郭鸞

太平縣教諭

陳登

山東登州府同知

羅禮

大同縣教諭

李丹桂

陝西富平縣教諭

李調陽

榮河縣教諭

王化

永和縣教諭

王應祥

陝西合水縣訓導

羅正己

大同府訓導

田均 直隸山海衛訓導

岳天澤 陝西安化縣主簿

程科 洪洞縣訓導

董邴 陝西岐山縣訓導

趙文光 吉州學正

羅正心 聞喜縣教諭

王易俗 鄉甯縣訓導

王三聘 鄉甯縣訓導

羅衣 山東高苑縣知縣

清源鄉志

卷十四

六十一

羅正蒙 鄉甯縣教諭

郭銳 萬泉縣教諭

萬士仰 絳州學正

程九重 南直揚州府通判

陳文煒 四川夔州府通判

牛牲 四川延慶州學正

岳維高 鄉甯縣教諭

王宗聖 四川遵義縣知縣

李宗孟 陝西靈臺縣知縣

牛得用

陝西兩當縣知縣

王體仁

絳州訓導

張珮

山東德平縣訓導

羅一鵬

直隸廣平府經歷改富平在平縣丞

萬善

隰州訓導

石瑤

平遙縣訓導

王廉

蔚州訓導

丁楠

陽城縣教諭

羅早

臨汾縣訓導

清源鄉志

卷十四

六十三

羅時傑

河南封邱縣縣丞

萬可衡

陝西臨洮府通判陞本府同知

羅量

山東昌邑縣縣丞

羅綬善

湖廣鄖陽府經歷

萬邦靖

江西分宜縣訓導

吳藝極

江西撫州府通判

陳經

已上貢生出身
東于村人南直鹽城縣主簿

陳綸

東于村人陝西岐山縣縣丞

王聰

在城二人四川隆慶州州判

牛文增

城南一人四川珙縣知縣

趙思恭

城南三人山東東阿縣縣丞

牛文明

城南一人山東陽穀縣主簿

蘇旺

在城一人鴻臚寺序班

王廷曦

在城一人四川梁山縣知縣

王鉞

在城一人湖廣荊州府照磨

王士真

城南一人陝西延安府照磨

王廷時

在城一人山東高苑縣主簿

羅俊士

城南一人直隸行唐縣縣丞

清源鄉志

卷十四

六十四

梁永昌

在城一人安徽歙縣主簿

王銳

在城一人陝西洋縣縣丞

牛哲

城南一人陝西郿縣縣丞

萬天祿

城南二人河南彰德府檢校

羅尚金

城南三人安徽徽州府經歷

劉愛之

城南三人浙江台州府經歷

趙鑛

城南三人四川重慶府判官

趙光大

城南三人山東武城縣主簿

王拱賓

在城二人直隸正定府照磨

王官

豐仁都人陝西韓城縣主簿

王侍

豐仁都人陝西華陰縣主簿

王之紳

在城二人陝西涼州衛經歷

趙廷光

白馬一人河南閿鄉縣主簿

趙天奇

高白都人陝西階州吏目

牛一大

在城一人東城兵馬司陞許州同知

陳所見

東于村人廣西鬱林州吏目鞏昌衛經歷

牛蔚

在城一人兵馬司吏目

王鴻模

城南一人浙江海甯縣知縣

清源鄉志

卷十四

六十五

李希仁

高白都人陝西咸陽縣縣丞

温恭行

孔安都人任晉府典儀陞長史司典簿

温鑄

孔安都人任陝西西安府後衛經歷
已上監生出身

國朝貢監仕籍

羅宏士

江西臨江府經歷

王啟昌

湖廣隨州知州

羅治晦

河南許州同知補山東沂州知州

武復新

臨汾縣訓導

成日章

湖廣崇陽縣知縣

吳景煒

直隸灤州知州

焦思聖

曲沃縣訓導

牛維昕

湖廣武昌府經歷

劉沁

山東泗水縣知縣

王可楫

蒲州訓導

武纘文

廣東合浦縣縣丞

時逢泰

馬邑縣訓導

白瑗

河津縣教諭

齊人鳳

絳縣教諭

清源鄉志

卷十四

六十六

程萬里

平遙縣訓導

程嗣正

馬邑縣教諭

溫益

渾源州訓導

陳極

山陰縣訓導

王善應

壺關縣教諭

王邁曾

右玉縣訓導

劉聖印

安邑縣訓導

高長發

夏縣訓導

羅龍章

武鄉縣訓導

孫登瀛

遼州訓導

趙光宋

汾西縣訓導

張溶

甯鄉縣訓導

楊鳳棲

和順縣訓導

程尙瑚

江西浮梁縣縣丞

梁會樞

潞城縣訓導

梁粹

鑲黃旗教習江西安仁縣知縣

秦觀光

五臺縣訓導

劉家弼

石樓縣訓導

清源鄉志

卷十四

六十七

張贊元

平陸縣教諭

吳鎮藩

芮城縣教諭

王拱樞

潞城縣訓導

張績

沁水縣教諭

王建中

浮山縣教諭

丁爾壽

平順鄉教諭
已上五貢出身

王德眞

城南一人歷任山東歷城江西鄱陽縣縣丞陞福建邵武縣知縣

王勝曾

城南一人絳縣教諭保陞知縣

白鑑

吳村人甘肅布政司照磨

王元棟

城南一人任教習

王彥弼

城南一人湖廣邵陽縣縣丞

王德興

城南一人歷任河南封邱魚台江南嘉定等縣主簿陞江南布政司照磨

羅浩

城南一人湖廣當陽縣典史陞四川夔州府經歷

啜九錫

東于都人陝西鳳縣縣丞

羅敏德

城南一人河南商城縣典史

羅華

城南一人廣東興甯縣巡檢

羅純彥

城南一人湖廣湘鄉縣典史

王國柱

城南一人四川大竹縣縣丞

清源鄉志

卷十四

六十八

羅世業

城南一人直隸交河縣典史

王國華

城南一人江南武進縣巡檢

羅立

城南一人雲南阿迷州巡檢

梁祖乙

在城一人奉天錦州府經歷

王夢溥

城南一人浙江歸安縣典史

王廷輔

平泉都人福建政和縣典史

王元龍

城南一人江西南康縣巡檢

王施仁

城南一人廣東臨高縣典史

劉瓏

城南三人河南朱仙鎮鹽科大使

劉德周

城南三人廣東高耀縣巡檢

羅才盈

在城二人四川重慶府通判

羅大任

在城一人江南三陽縣主簿

王學詩

城南一人河南巡檢

王暈

城南一人陝西布政司經歷

陳會荀

東于人潞安府訓導

賈萬億

賈兆人汾州府訓導

李天芳

高白人歷署長子縣教諭渾源州訓導

王寅恭

北營人渾源州訓導中書科中書銜

清源鄉志

卷十四

六十九

趙謙玉

高白鎮人刑部郎中

杜凌嶠

城南三人直隸巡檢
已上貢監出身

明武科仕籍

王恁祖

甯武關守備

馮景龍

永和關守備

羅龍

汾州營守備

國朝武進士仕籍

賈廷詔

由頭等侍衛任山東撫標中軍參將

羅邦憲

由藍翎侍衛任貴州定廣營都司署黎平

營參將

王布德

由侍衛任湖北道士汛營都司

王龍章

山西省提塘

時龍光

由侍衛任四川北鎮遊擊陞參將署總兵

國朝武舉仕籍

羅繡

四川甯番衛千總陞湖廣辰州府守備

劉又章

黑龍江參將

萬事禮

直隸宣化營守備

高克嶷

插箭嶺守備

史秉直

平陽營千總署守備

清源鄉志

卷十四

七十

郭守芳

蒲州營把總

任昌

繁峙營把總

牛龍泉

署平陽營守備護理參將借補鴻門關把總

潘殿英

兵部差官

齊虎臣

江西衛千總

軍功蔭襲仕籍

李珩

禪房營人由軍功任苛嵐州把總

陳若樟

東于材人由軍功任榆林千總陞陝西衛守備

郭鎮國

青堆村人守芳子由世職任隰州營千總

郭兆魁

鎮國子由世職任永甯州把總署守備

邢清和

城南一人天培孫由世職任北樓營千總署渾源營守備陞湖北提標中軍營守備

浙江衢州府都司

邢爾保

清和子由世職署殺虎營千總

已上仕籍

明

劉 盈城南三人童年知孝母蘇氏疾藥弗效割臂肉進母疾旋愈祀孝義祠

劉秉寬城南三人母畢氏病篤割左股作羹進母

清源鄉志

卷十四

七十一

食之病瘥一日夜半聞母呼驚起甫出門棟折碎其枕人以爲孝所感云祀孝義祠

王 遠城南一人事親孝年甫壯母卒欲廬墓以父在不果後父卒哀毀幾絕廬墓三年旦夕哀奠士大夫多以詩贈之祀孝義祠

閻 海城南二人庠生父卒廬墓三年知縣馮祥上其事於巡按陳公以匾額旌其門祀孝義祠

劉 漸城南三人庠生少孤事母謹母病哀禱得仙方服之愈萬曆十五年知縣馮祥上其事於巡

按陳公以匾額旌其門祀孝義祠

蘇雲端在城一人嘉靖時歲大侵輸粟千石全活甚眾祀孝義祠

牛 昭在城一人嘉靖時歲大侵輸粟千石全活甚眾祀孝義祠

時 輝孟封都人嘉靖時歲大侵輸粟千石全活甚眾

按太原府舊志載清源人時輝與同邑蘇雲端牛昭年荒輸粟各千石而舊志祇載蘇牛不及

清源鄉志

卷十四

七十二

時孝義祠中亦未得與蘇牛同祀蓋遺之也茲特補錄之爲將來呈請入祠之本

董 玉堯城都人捐貲建社學三復輸田百畝爲社學薪水費刻石紀之里中貧婦給以紡織之資賴以舉火者甚眾祀孝義祠

王 宰城南一人明末兄臣以罪繫獄宰憐兄無嗣請於邑令願代兄死令義之允其請竟瘐死

國朝

王武城宰子痛父死非命號泣幾絕家綦貧孝事

孀母中順治甲午科武舉自是科名鼎盛人以爲
孝悌之報云

王元棟城南一人拔貢生父彥弼卒於邵陽官廨
扶櫬歸里哀毀不欲生學使以優行咨部

趙光宋青堆都人歲貢生居鄉循謹事母孝府縣
給額旌獎

羅天成城南二人事親孝待宗族鄉黨以禮簡質
有先民風祀孝義祠

梁會樞在城一人優貢生父病八年晝夜奉侍無

清源鄉志

卷十四

七十三

情容邑侯以孝友克敦舉優行

張繼仲豐仁都人父賈於外久不歸仲年十六誓
往尋之道遇虎禱之遂巡去明年偕父歸一鄉稱
孝子焉

萬學海城南二人有至性兄歿父母傷悼不已海
百計慰藉之待兩弟及諸姪俱有恩祀孝義祠
牛明德米陽都人武庠生髫齡侍父疾親調藥餌
父歿哀毀欲絕母歿亦如之年逾七十每食必思
親偶語之輒嗚嗚泣下

羅聖誼在城一人天性純篤事親以孝稱

羅純誼聖誼弟太學生英爽不羣與兄聖誼俱有孝行人稱羅氏雙璧俱祀孝義祠

王得璽城南一人少孤貧無立錐以傭工養母或勸其授室璽曰以力養母猶慮不給若再增食指甘旨得無缺乎拮据半世始克成家然已老且憊矣其篤孝如此

孟立米陽都人痛父外出久不返傭工得貲尋父數千里外扶掖歸

清源鄉志

卷十四

七十四

牛文友米陽都人自幼以孝稱父歿事繼母委曲盡歡舉鄉飲

邢邦彥城南二人天培子隨父之任爲朝夕承歡計乾隆三十二年從征雲南苗匪有功授外委把總旣而辭職養父三十七年大軍征金川明年木果木失利父戰歿邦彥殉之

王奠安小武都人郡庠生性篤實童年知孝祖父歿居喪哀毀如成人繼母韓氏疾躬侍湯藥至廢食寢年未三十卒韓哭之慟鄉人咸悼惜之

蘇 恆在城二人三歲失怙事孀母維謹母歿慟不欲生雖年逾七十不忘孝思祀孝義祠

秦治元青堆都人以孝稱鄉里祀孝義祠

王兆龍在城二人有至性尙義俠父歿年甫十餘歲事生母羅氏庶母閻氏委曲承順未幾羅氏卒閻氏失明事之益謹康熙五十八年歲饑悉出家貲以賑窮乏卒年八十餘

安若岱孟封都人字宗山歲貢生品端學邃性尤好施賑饑卹患孜孜若不逮鄉里有爭訟輒和解

清源鄉志

卷十四

七十五

之公舉鄉飲大賓子璠由名進士爲清白吏

田 灝高白都人好善樂施輸腴田數十畝立社學煮粥賑饑民施棉衣百領以給無衣者年逾九十而卒

何文光在城二人志慮清潔才猷縉練邑中凡有興建咸推公爲總辦邑侯高公深倚重焉舉鄉飲介賓壽至九十歲乾隆五十一年祀孝義祠

齊文熙孔安都人少孤事母孝性慷慨好施予雍正十年遊瀋陽有太原縣人李維新遺白金一百

七十兩公追至半途歸之李以五十金酬公不受
時人義之壽至九十歲而卒

曹國政平泉都人輕財好義喜爲人排難解紛有
負債不能償至受窘辱者公每代償之雖質衣鬻
產弗恤也歿之日遠近祭送者相屬於路焉

劉存義孟封都人字子宜庠生厚重寡言鄉人有
急挺身赴之無德色一時識與不識僉曰劉公長
者舉鄉飲介賓年逾八十卒

溫尋繹南社村人而厲父也慷慨好施予鄉隣有

清源鄉志

卷十四

七十六

貧不能葬者輒市衣衾棺槨以給之遇荒旱出己
貲代人完國課不責償不望報一鄉稱善人焉

田富德高白都人事繼母委曲承順能得歡心以
舉人任訓導因父失明告養歸年逾六旬猶依依
孺慕焉已 旌

王會圖在城二人母寢疾數年扶持抑搔日夜不
離側形神交瘁髮盡白已 旌

趙 芳青堆都人事父母克盡子職每日揣親所
嗜手進甘旨數十年無少懈焉已 旌

秦家驥在城二人有至性愛弟家駱尤篤食必同
牢家駱歸偶遲必忍饑待之財帛田產互相推讓
弗校也已 旌

秦家駱家驥弟性誠篤才猷諳練家故貧學賈晉
祠鎮以父疾辭歸竭力奉甘旨白手起家至巨萬
然輕財好施救荒賑貧多金不吝焉論者謂家驥
悌弟家駱孝子云已 旌

路鵬翔史萬莊人性忠懇於倫常尤篤家貧以脩
脯供甘旨未嘗少缺焉祀孝義祠

清源鄉志

卷十四

七十七

王 高式版都人父歿於盛京徒跣數千里屢瀕
危殆卒負骸骨歸已 旌

曹聚璧平泉都人事繼母委曲盡歡已 旌

李鳳翔高白都人家貧拮据爲業有族姪名白花
者甫周歲父母相繼卒翔撫之成立兼爲婚娶白
花生六子歲時祭掃至今不能忘

時豫立東羅村人性寬厚公正爲里人所推服往
往有忿爭勢將成訟或已訟經年不解者得豫立
一言卽釋然里人化之皆成善良焉

李際唐西羅村人村當南北孔道嘉慶間各村民
遞送囚犯之過境者苦累實甚際唐請於上憲免
之村民至今感焉

牛桂興米陽都人其父以貿遷歿於成都時桂興
年十七往返七千里乞食負骨歸桂興與弟桂旺
友愛桂旺臨歿泣語人曰我死兄必不生若等盍
具雙棺待之旺死兄哭之慟未幾亦死

安希榮西羅村人髫齡時父歿於陝痛不欲生甫
弱冠徒跣數千里卒得父屍負之歸

清源鄉志

卷十四

七十八

陳纘緒東于村人事父母承顏順志嘗捐百金購
地數畝以葬里人之貧不能殯者已 旌

杜生左東于都人善事繼母已 旌

陳周南東于都人竭力奉養克順親心已 旌

王照泰在城二人事父母以孝稱已 旌

賈爾及東于都人以父歿不及奉養刻木像祀之
每誦皋魚樹欲靜而風不止子欲養而親不畱之
句未嘗不涕泗沾襟也已 旌

王九和韓閭村人字致祥五歲失怙事母孝念母

苦節請 旌建坊邑令周公贈額曰以介眉壽

王鴻立韓閭村人字超羣事母備極孝養祀孝義祠

牛斗輝南營村人父早歿事母孝母患手指痛晝夜呻吟輝研窮醫學至終夕不寐療母疾果愈已旌

王永祚西關廂人事父母以孝聞精醫術活人無算已 旌

劉恆泰范家莊人性通脫不修邊幅事繼母承顏

清源鄉志

卷十四

七十九

順志每效斑衣戲綵以娛親心年逾六十猶依依

孺子慕焉已 旌

王明光東于都人父抱沈疴數年奉滫瀡侍藥餌未嘗離左右已 旌

趙萬理高白都人性和易事親孝與弟萬中友愛綦篤 勅建兄弟孝義坊已 旌

趙萬中萬理弟性亢爽好義同治間方山水決堤入壞民廬舍萬中倡捐數百金修堤民賴以安與兄萬理友愛甚摯已 旌

王景威東于都人愛親甚摯年逾六旬事之益篤
已旌

牛慶昌在城一人性誠慤寡言笑妻歿未及四旬
終身不再娶力耕養親未嘗少忤焉已旌

賈人龍式版都人事母孝晨膳夕膳皆躬自奉之
已旌

王崇德范家莊人事父母能得歡心已旌

劉人聰城南三人性循謹愛親尤摯父母怒輒長
跪涕泣請罪親順乃已家廟祭祀邀集族中長幼

清源鄉志

卷十四

八十

講登降拜跪之禮族人至今遵之已旌

潘宗義平泉都人幼失怙事母克供子職奉胞兄
宗禮如父兄歿善承孀嫂意撫姪尤有恩已旌

時自立羅村農人也母歿父年八十餘聾瞶而艱
於步洩便皆需人自立扶掖出入頃刻不離家貧

自餒糠覈而以甘旨奉父父年九十七歲卒時自
立年逾七十猶哀毀不勝蓋純孝出於天性云

鄭泰祥閩家營人母董氏患瘡疾祥泰口吸膿血
而後用藥疾尋愈

賈烈高白都人太學生事親孝而於昆弟尤篤
兄歿撫兩弟恩義兼盡始終無間言

王琳張閭村人咸豐三年歲祲捐糧米五百餘
石以濟貧乏

王純高白鎮人遠賈哈拉海溝貲頗豐道光十
三年其地大侵饑民洶洶欲爲亂純煮粥賑之全
活甚眾明年春又分給籽種有司聞而義之以識
時知義額旌其門二十六年歸里里人以社有虧
項構訟經年純代出貲數十千事乃已里人感焉

清源鄉志

卷十四

八十一

公舉鄉飲

李邦憲西羅村人嘗出貲置義學及補修村中石
橋費百餘金

秦士標小武村人庠生性方嚴赴人之急惟恐不
逮里有得罪村匪被焚死者冤不得伸愬於標標
首諸官置匪於法匪黨皆遠竄里人感之勒石於
廟以旌其義

白蘊芳小武村人性慷慨弟欲分爨田產任其取
求不與校族人貧不能葬與戚友往投者輒傾囊

助之無德色

楊映溪韓 村人家貧事親孝兄弟恩禮始終無
閒言

時鄭重東羅村人村當烏馬河之衝夏時河漲路
輒阻鄭重創修義橋以利行人雖重費不惜也

時浩立東羅村人道光十七年歲饑輸粟賑貧乏
里人以推解雅誼表其門

姚鳳鳴柳村人道光二十九年汾河溢民居多被
湮沒鳳鳴出粟賑濟邑令以義高賑救旌之

清源鄉志

卷十四

八十二

梁映采原一都人已 旌

牛汝魁原一都人幼失怙事母謹已 旌

牛學易南一都人事兄能盡弟道已 旌

王福長在城二人善事父母待族人尤慷慨好施
予已 旌

王中權東于村人性樸誠好施予村南官路每夏
秋際輒被水衝中權獨力剗修又購田六畝爲義
塚捐貲三百緡置社學以教族中貧不能讀者

王敬熙在城二人髫齡父歿事孀母先意承志無

少違忤已 旌

已上孝義

國朝

瘋三西羅村人姓李名守貞行三出家後披髮佯狂類有癲疾者故稱曰瘋三常遊川陝閩浙間二十餘年始歸冬夏止一衲叩其衣食何所終不應每於村外跌坐畫地作八卦形口喃喃不知作何語然語多奇中未幾卒後數年村人有貿遷江廣者遇之問所往不答此嘉慶間事

清源鄉志

卷十四

八十三

山和尚中隱山清泉寺僧也不知何處人亦不詳其姓氏年歲以僧久住山故名之爲山和尚終日手一鑿種樹蒔花外卽墾田藝黍稷預占來年豐歉所言無不中後所種樹皆成材寺中諸建造皆取給焉足不履城市者數十年一日無疾而逝不知幾歷春秋也

重月字明遠姓趙氏邑之馬峪人也幼好道初住持城隍祠繼掛錫於邑之香巖寺雲遊金陵吳越間數年始返精岐黃術瘍科尤得不傳之秘求醫

問方者履滿戶外一粒甫投輒奇效尤熟於黃庭
道德等經嘗言鍊真陽爲內丹鍊鉛汞爲外丹外
丹不得內丹則無主內丹不得外丹則無輔其議
論精確多類此未幾羽化去

已上仙釋

周

巫皋梗陽人苟偃夢與厲公訟弗勝公擊墜其首
戴而奉之以走見皋他日見諸道與之言同皋曰
惟有事於東方則可以逞偃許諾乃請悼公伐齊

清源鄉志

卷十四

八十四

師還偃瘡疽生瘍於頭卒

國朝

新道梁泉村龍天廟道士善刀圭求醫者接踵不
循古法應手輒效後歿已逾年村人有自京師歸
者言某日遇道士於前門街考其日卽道士圓寂
時也有人得其一方輒鈔錄珍藏之所投無不奇
驗惜皆散佚不能自成一家言

羅補袞在城一人精醫理深得長沙之奧融會丹
溪東垣河間諸大家議而折其衷視張氏介賓以

下蔑如也家貧賣藥於市爲貧民視疾與之藥不受值卽富家亦終不言謝邑中秦氏有病傷寒者大熱譫語袞診之曰殆矣急投生附子一枚至夜轉劇秦氏有怨言袞曰無慮此陰盛格陽證前者六脈伏今已軒露惟嫌附子少不濟事耳旋投生附子三枚病遂霍然又有何姓者與袞有瓜葛親一日熟視良久曰君其危哉旣而診其脈出語人曰是疾不可爲矣穀雨後其死期乎時何尙無疾苦聞者不信未及清明何竟以暴病卒袞乾嘉時

人

已上藝術